

Wejrowò, 29 maja 2016 r.

Dejowi ùchwòlënk

7. Òglowégò Zéńdzeniégò Kaszëbsczi Jednotë

Preambùła

Hewò je nasza pòliticznô programa, jakò je fuńdameńta dzejaniów stowòrë Kaszëbskô Jednota na przédné lata. Më jesmë bùtenrządowà òrganizacjà, jakò je apartnò òd równo jaczi pòliticzny partie. Më prowadzymë swòjã pòlitikã, co mò słužec rozkòscérzaniémù nòrodnégò pòczécégò Kaszëbów ë bùdowaniémù kraftnégò, samòrządnegò pòmòrsczegò wòjewództwa. Jinteresje nas kùlturowò àutonomiò Kaszëbów ë spòlëznowi (òbëwatelsczi) region, jaczegò swiãdã bãdzemë twòrzëlë wëcmanim z wszëtczima mieszkańcama wòjewództwa: Pòlòchama, spòlëznama taczima jak Kòcewiòcë, pòmòrsczima Niemcama, czë Ùkrajincama. Chcemë bëc jednotã dlò Pòmòrzégò!

Dlòcze je nót dzejac razã?

Më wszëtcë widzime, ze centralistyczne dzejanie w Pòlsce mò coròz to wikszij syg. Pòmògò temù globalizacjò, jak téz jindividualizacjò, bò òbadwa zjawiszca sã młodzama znikwieniégò lëdzczi solidarnoscë. Le tak nie darwò bëc! Më wszëtcë ni mùszimë bëc zrównóny pòd centralnyma rządama. Më mózemë sã zjednac w rozmajitoscë dlò Pòmòrzégò.

Jidze ò wëbiér tegò, co je dlò nas na pierszim placu. Mò to bëc òdrzucenié swòjij historie ë kùlturë, naszégò òrtu zécégò, starë ò pòmòrską spòlëznã, ò wòrtnotë ë przédné pòkòlenia? W tim sztòce, czej tak mało naszich pieniãdzy (kò doch wsparcë gòspòdarczy z Eùropejsczi Ùnie wnetka sã skùńczi) òstòwò tu tak na Pòmòrzim, je drãgò sztòltowac pòczécë lëdzy, jich pòzdratk na jinëch, na gòspòdarkã, kùlturã, kròjòbròz, kùreszce nawetka regionalną rësznòtã.

Kaszëbsczi jãzëk ë kùltura jesz dërch sã žiw, le że jich jistnienié je zagrozoné. Kòzdé dzejanié, co mò je zachòwac ë dac rozwij, je reglameńtowóné przez ceńtralné rządowé ministerstwò. Ju czësto nick sã nie robi dlò zachòwaniégò nòrodnij apartnoscë Kaszëbów. Jistno je z regionalną swiãdã Kòcewiòków, a téz òglowã pòmòrską apartnosçã. Naje regionalné samòrządženowé wëszejnë na ti niwie ni mają wnetka nick do gòdaniégò – tak w òdniesenim do jãzëka ë kùlturë Kaszëbów, jak téz na przikłòd w sprawie wprowadzeniégò regionalny edukacje do szkòłów. To mùszij sã zmienic. Nama je nót nowëch lëdzy, jaczi mdã òdpòwiadac za te ë jinsze dzéle najégò zécégò.



**Kaszëbskô
Jednota**

Stowarzyszenie Osób Narodowości Kaszubskiej

ul. Mireckiego 12/3
81-229 Gdynia

info@kaszebko.com tel.: (+48) 793 764 079

Më nie brëkùjemë dirigéntów, co nie znają ë nie rozmięją nôrodnégò pòczëcégò Kaszëbów ë regionalny swiadë mieszkeńców pòmòrszczégò wòjewództwa. Òni są dobri w medialnëch jigrach, a lëdzy mają za analfabetów zanôlëgajacëch òd òglowòpòlszczich telewizjów. Òne nama gòdają, że më so nie dómë radë bez ceñtralnëch rządów, co przez paje òglowòpòlszczich partiów sygają do kòzdegò wòjewództwa, wiele krézów, a nawetka gminów. Równak to je lza, jakò niese za sobą pòwòzñë nôsladë. To òne ju na wiedno mògą znikwic Kaszëbów ë wszëtczich tëch, chtërny mają Pòmòrzé za swòjã taczëznã. Żebë sã òbronic më brëkùjemë taczì rësnotë, jakò më tuwò bédëjemë.

Pòjta wszëtcë z nama!

Chto je za mòcnym, samòrządny Pòmòrzim, jaczégò przedstòwcowie zarzãdzywają wikszim dzëlã wërobionëch w regionie pòdatków ë mają starã ò jegò kòzdostarnowi, spòlëznowò-gòspòdarszi rozwij;

chto je procëm taczim spòlëznowim ë gòspòdarszim praktikóm, jacé wzmòcniwają warszawsczé ceñtrum ë pòmieszziwają znacënk najégò pòmòrszczégò regionu;

chto je procëm całownémù pòdpòrzãdkòwaniémù sã naszich gbùrów ë rëbòków taczì eùropejszi pòlitice, jakò nie widzy regionalnëch òsoblëwòsców gòspòdarzeniégò ë fësowaniégò;

kògò mierzy, że w eùropejszim zjednanim w nôwikszim dzëlu jidze ò pòlitikã ë finansowé geszëftë państwów, a eùropejszé regionë, lëdzkò solidarnosc, kùlturë ë jãzëczy bezpaństwòwëch nôrodów są dopiërze na drëdzim, abò trzecym placu;

ten niech jidze z nama. Ròczimë wszëtczich, co chcą, bë nasz region, państwo ë Eùropa bëłë dlò lëdzy!

Prowadnik
Karól Róda

Protokùlañt
Artur Jabłoñszi